

Horace *Odes* 1.5

Meter: *Fourth Asclepiadean*:

u u || u u u x
u u || u u u x
u u x
u u u x

Quis multa gracilis te puer in rosa

perfusus liquidis urget odoribus

grato, Pyrrha, sub antro?

Cui flauam religas comam,

simplex munditiis? Heu quotiens fidem

mutatosque deos flebit et aspera

nigris aequora uentis

emirabitur insolens

qui nunc te fruitur credulus aurea,

qui semper uacuam, semper amabilem

sperat, nescius aurae

fallacis. Miseri, quibus

intemptata nites. Me tabula sacer

uotiuua paries indicat uuida

suspendisse potenti

uestimenta maris deo.